



Siumup Inatsisartuni ilaasortaatitai
/Maani

§ 37 naapertorlugu apeqqummut nr. 2011-221-mut akissuteqaat Paamiuni inissiarsuit

02. december 2011
Sagsnr.: 2011-058448
Dok.nr.: 775537

Asasakka Siumup Inatsisartuni ilaasortaatitai,

Postboks 909
3900 Nuuk

Paamiuni inissiarsuit neqeroortitsivigineqarnerat pillugu saaffiginnissutissinnut qujanarsuaq.

Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Matuma kinguliani apeqqtusi issuarneqarput akissuteqaatikka tulliusarlutik.

Paamiuni inissiarsuit (blok-it) 4-it, 80-inik inissiartallit tamanut ammasumik tuniniarneqalermata, pisisussat pisinerminni nunatta karsianiit katillugit 15.5 mio. koruuninik tunineqarnissaat tamanut ammasumik Naalakkersuisunit nassuaatigineqarsimanerluni?

AKISSUT: Paamiuni inissiarsuit neqeroortitsivigineqarnerinut atatillugu Namminersorlutik Oqartussat 15,5 mio. koruuninik tunniussiniartut allaaserineqangilaq. Tamatumunnga taarsiullugu inissiarsuit aserfallassimasorujussuit, aammalu asbestimik, aqerlumik PCB-millu, eqqagassatut ulorianartutut isigineqartunik akoqartut allaaserineqarpoq.

Blok-it 4-it isaterneqarnissaat qanoq akeqarneris Naalakkersuisut naatsorsortinnikuuaat, taamaattoqarsimappallu kikkut isaterinissamut naatsorsuinikuuppat?

AKISSUT: Nuummi sanaartornermi misilittakkanut kisitsisit tunngavigalugit Paamiuni inissiarsuit sisamat isaterneqarnissaat, tamatumalu kingorna piioneerutsitassanik Kommune Kemi-mut assartuussinissaq ikinnerpaamik 30 mio. koruuninik akeqassasoq missiliuisoqarpoq. Tamatumunnga atatillugu erseqqissaatigineqassaaq, sanaartukkanit eqqagassani PCB-p 50 ppm-inik naleqarnissaata akuerisaanera naliliinermi tassani tunngavigineqarmat. Tassalu sanaartukkanit eqqagassanit ikittuinnaat Kommune Kemi-mit piioneerutsinneqarsinnaapput.

Sanaartukkanit eqqagassani PCB-p nalinga annerpaamik 0,5 ppm-inut aalajangerneqarpat, isaterinermut piioneerutsitsinermullu aningaasartuutissani 100 mio. koruunit sinnerneqassapput.

Erseqqissaatigineqassaarli, naliliinerni taakkunani "desktop studies" tunngavigineqarmata, aammalu avatangiisini PCB-mik saliinissamut maleruagassiat inaarutaasut aalajangersarneqareerpata, aammalu suliassat neqerooruteqarfigitinneqareerpata, PCB-llu annertussusia nalunaarsorneqareerpata

aningaasartuutiviusussat aatsaat naatsorsorneqarsinnaammata. Taamaattumik aningaasaqarnermi naatsorsukat inernerini inaarutaasut misissukkanut taaneqartunut naleqqiullugu allanngorsinnaapput annertuumilluunniit nikingasinnaallutik.

Illumut inissiar-suarnik namminneq akisussaaffiligassaminnik pisiniat nunatta karsianiit isaterinissaannut aningaasaliiffiginissaat Naalakkersuisut pissusissamisoortutut isigaat?

AKISSUT: Neqerooruteqartut inissiar-suarni avatangiisinik salinissaq iluarsaassinissarlu, aammalu inissianik atueqqinnissaq neqerooruteqarnerminni tunngavigaat. Taamaattumik neqerooruteqartut inissiar-suarnik isaterinissaq kissaatiginngilaat. Tamanna pissutigalugu neqerooruteqartut aamma isaterinissamut akiumumut qularnaveeqqusiinissartik neqerooruteqarnerminni kissaatigisimangilaat, taamaallaalli 1 mio. koruuninik, neqerooruteqartut inissiat iluarsaassimangikkunikkit, taamaallilunilu ukualunnguit qaangiuppata Namminersortutik Oqartussat inissiar-suarnik isatigassaqaannassappata akilerneqartussanik qularnaveeqquseerusullutik.

Inissiar-suarnik pisiumallutik neqerooruteqartunut isumaqatiginninniarneq sumut killippa?

AKISSUT: Maannakkorpiaq pisinissap qanoq ingerlanissaa isumaliutigaara. Oqaatigineqareersutut salinissamik naliliinermi taamaallaat "desktop studies"-it tunngavigineqarnerat, aammalu PCB-mik salinissamut maleruagassat inaarutaasut aalajangersarneqareerpata, PCB-llu annertussusia piioneerutsitassanik misissuineq aqutitigalugu nalunaarsorneqareerpat aatsaat aningaasartuutiviusussat naatsorsorneqarsinnaanerit neqeroorutitut naleqqiunneqartussaapput.

Inussiarnersumik inuulluaqqusillunga

Jens B. Frederiksen